



DEO OPTIMO MAX.
UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICO-CHIRURGICA,
QUOD LIBETARIIS DISPUTATIONIBUS
manè discutienda in Scholis Medicorum, die Jovis sextâ mensis Aprilis,
Anno Domini M. DCC. LII.

M. HIACYNTHO - THEODORO BARON,
Antiquo Facultatis Decano, Doctore Medico, Præside.

An in curandâ ani fistulâ ferro præsent canslica?

I.



TATIM ac pars inflammata suppuratum abit, abcessus fit, pure intùs remanente, ulcus verò, ubi carcere fracto liber exitus patet purulento liquido, quâ data porta, fluenti. Sic semper ab abcessu ulcus; consequenter qualis abcessus, tale ulcus: simplex dicitur si fundo aequali solidoque terminari constet; sinuosum contrâ suffossis quoties pluribus cuniculis tanquam radicibus innititur ulcus. Aliud verò sedulò observandum ulceris genus, fistulosum dictum,

A

frequens sanè nimis, attamen minùs quàm vulgò censetur. Sinuosi ulceris genium apprimè mentitur, superat verò, & longè pejus. Hoc peculiare gerit quòd ulceris ora, imò & intùs producti hiatus callis incrustantur. Nulla corporis pars impervia pessimæ huic abcessuum loboli, quæ tamen ante alias anum & circumjacentia aggreditur: hic ubi castra habet, fistula anni vocatur; quo duntaxat nomine insigniendum sinuosum ulcus simul ac callosum ano vicinise partibus inhaerens.

I I.

CUM vix ac ne vix quidem morbus ullus, uno semper eodemque sibi proprio indutus habitu, in seceam prodire soleat, nil mirum ani fistulam sua subire discrimina. Essentialis itaque modò est, modò symptomatica; simplex vel composita; nunc recens adhuc & in germine veluti sopita observatur, nunc evoluta, laceratàque jam cute, magis minùs pus scetidum expuens vel externa circum ani labra vel in ipsiusmet intestini cavum, undè tum dicitur fistula externè vel internè cœca; plerumque autem, dum vires acquirit eundo, monstrum fit biceps pluribus & altis innixum pedibus. Prout autem altius anum obsidet, multiplicemque sibi viam suffodit, major est; contrà, minor: sic indole, formâ, ac sede variat. Quidquid tamen sit, cùm adjunctum sibi semper comitem callum habeat ani fistula, ab ulceribus cæteris hæc undique loca haud rarò infestantibus facilis est expeditaque illius distinctio; si potissimum attendatur quòd in ulcere cancroso, callosa quidem pariter vulneris labra extorsum invertantur, horridè semper inhiantè malo, dum depressa potiùs in fistulâ videntur.

Jam verò pro efficiente mali causâ, ne compressionem nimiam contusionemvè cogitemus, vetant plurima rationum momenta: 1°. Quòd mille inter equites, eâdem compressionis forte manente, vix unus fistulâ laboret. 2°. Quòd afficiantur fœminæ etiam delicatiores, quæ plurim non nisi mollioribus, floccisque sedem credentes, molestè unquam comprimi nesciunt. 3°. Quòd contusio in parte molli, utcumque gravis sit, abcessum tantùm, ulcus, sinuosum ulcus si velis, vel etiam gangrænâ, callum verò nunquam generare valeat: ac veluti ictus graviter mammis inslictus cui succedit cancer, tanti hujuscæ mali accelerans duntaxat seu determinans causa meritò habetur; sic inter equitandum vel quolibet alio casu quæcumque accidant ani, partiumvè adjacentium compressiones, his quidem determinari fistulam ani, effici verò nunquam credimus. Altius sane inhaeret malum, quod prævio tam fluidorum quam solidorum vitio referimus: horum nempe laxiorem textum, inerteque veluti tonum accusamus; illorum autem pravam acredinis simul & crassitiæ indolem quâ concretiones lymphaticæ, sanguinisque stases lentè foveantur. Unde fistula ani, morbus semper gravis; nec nisi inepti ægrorum adulatores, firmiorem ex tali hospite præstari sanitatem, polliceri audent.

I I I.

TU TA nunc inquiratur fistulæ ani medela. Statim adest audax agyrtarum cohors; mille & singula certis certiora offerunt remedia: absit autem hic Medicinæ sacra, profanis miscere velimus. Laboranti fistulâ una salus: eradice-tur malum ferro vel causticis. Citius quidem ferrum agit; anceps verò maximè methodus, nec barbara minùs. Pronus enim volunt decumbat æger, clunibus diductis; tùm, si externè cœca fistula sit, unâ manu intromittatur in anum digitus, qui intestinum, ulcus versùm, comprimat, dum specillum al-

terâ manu fortiter in ulcus protruditur, usquedum in ipsius cavum intestini penetret: ita ut pars morbida, tanquam veru, transfigatur. Deinde, specillo in anam incurvato, comprehensa pars attrahatur, scapello amputanda. Hâc in operatione, quidquid gerit periculi dolor atrocissimus, ægrotantis capiti minatur; nec satis, ut ansâ pars allevata tollatur, partes labe immunes æquè ac infectæ abraduntur; sed quod pejus, directâ semper manu juxtâ longum & profundum unici canalis quem amplectitur ansa, tam collaterales cuniculi quam profundiores, vel horum saltem extrema, ferrum sæpius effugiunt; undè fistulæ alterius fons & origo. At dices: peractâ operatione, si quod intus remanserit callum, forficibus curvis secamus: vel causticis absumimus cuniculorum extrema, si quæ reliqua apparent. Esto: sed horrendi cruciatus novi, nova semper operatio, ac methodus duplex; quibus tamen omnibus invitis, fistulam sic ferro curatam iterum, ter, & quater renatam multiplex indixit experientia. Hâc itaque posthabita methodo, ad caustica tanquam ad ancoram sacram confugimus.

I V.

ADSIT jam fistulæ ani patiens: oculo & tactu exploranda mali sedes; oleo postea illinitus in anum immittatur digitus qui partes leniter affricando percipiat an ulcus sit, & quâ altitudine hæreat: indè levibus digitis, ab externo ad ulcus internum comprimendo, forma callorum tentanda. Quibus sic cognitis, latè cooperiatur mali campus emplastro emollienti leviterque suppuratorio, quod singulis diebus renovandum erit. Tum Medici est veram internis remediis curationem ordiri, certamque brevi præstare. Cum sensim Medicâ manu deductus æger ad operationis terminum tandem advenit, sic proceditur: paratur lens caustica, simul perforatur emplastrum ita ut super impostum transmittat causticum; tum sic applicatur, ut absumendæ parti foramen adamussim respondeat; additur extemplò lens caustica quæ in hoc foramine inclusa, super addito emplastro, fortiter cogitur. Res sic se habent per horas duodecim, quibus elapsis, nudatur eschara. Quidquid dulce, & unctuosum est, quale butyrum recens, ad illiniendum hic locum habet; palmam tamen damus mundificativo de apio, quod ope penicilli combustæ parti admovendum, emplastro semper super imposto. Statim ac cecidit crusta, sedulò observandum ulcus, quò vestigiis omnibus prematur malum. Quot apparent cuniculi, his tot causticorum telis insistendum, usquedum tandem ad anum deveniatur: hic labor novus, cura major; cavendum enim sedulè ne sanum comburatur: eo fine in anum longa introducitur turunda, undique vel cerâ, vel mucilaginem crassè obducta; lateralter sulcus foditur in quo, gemmæ adinstar in suâ palâ, causticum includendum, eo modo ut ex unâ parte anum possit impetere, cæteris in unguento sepultis; sic incolumis præstatur anus, dum hujus pars duntaxat læsa absumitur. Hâc salubri methodo fistulam ad extremas usque radices prosequeris, malumque funditè evertes, sanâ nec constanti minus successurâ cicatrice; cujus consequendæ gratiâ certò cum successu decocta ex scordio & rosâ rubris optimè depurato nielli admixta, aqua aluminosa ac veterrima vitæ aqua partibus æqualibus, in lotionis formam usurpantur. Ultimo demum tempore, quò suis omnibus numeris absolvatur opus, è Mechâ balsami aliquot guttæ super adhibeantur. Id, solatium ægris haud leve, & Medico, in hâc praxi accidit quod vita tuta spondeatur; dolorum summa prudenter adeò deduci possit, ut pati quidem, excruciaci verò nunquam contingat; & prout pars altera causticis absumitur, pullulet pars prima citò rursus generata; sic, vulnere semper exiguo, parcitur doloribus, minùs dolet natura, nec vires prosteruntur.

DUBIUM nunc maximum horum ne timiditas qui causticis abhorrent; an caustici tractandi incertitia æquiori jure accusanda sit? Causticum exlex, inquit, remedium quod nullis subicere regulis artem penes est; vel effranum vel iners, nil aut nimis agit. Sciant nil in manu Medicæ exlex esse; venena sæpè in salutem ægri pro nutu suo invertere Medicus novit. Nil comburit, nisi quod tangit causticum; nec nisi ratione suæ molis altè penetrat. Proprio fluidis jure, hùc versum semper labitur, ubi minor occurrit resistentia. Quare electionis huic præscribe locum, vicinia sedulò munias, tunc admoveatur, in sede suâ cautè detinendum; sic nec tua unquam falletur spes, nec injuriis locus erit. Si quæras nunc, aut pollicearis aliquod egregium causticorum genus, quod amicè carnes osculando sine molestiâ agat; cachinnum moves; causticum enim dulce, contextamque serico panno lanceolam, eadem pueris fabula narrat. Cætera inter caustica nobis aridet lapis causticus vulgaris. Pro dosi pollet virtus; fractâ minor, adauctâ major. Sic primò nudatur malum; varia dein obsidentur ipsius diverticula; hinc expugnatur ubique acrius modò, modò lentius, & usque tandem profligatur, quò ad extremum angustia coactum, comburatur. Incolumis interim, spectator veluti, perstat æger, hilaris mente, florens viribus, ac vitâ sanus. Quæ cùm tot tantaque commoda ferrum deneget, jure concludendum,

Ergò in curandâ ani fissulâ ferro præstant caustica;

DOMINI DOCTORES DISPUTATURI.

*M. Ludovicus - Renatus
Marteau, Bibliothecæ
Facultatis Præfectus de-
signatus.*

M. Antonius le Camus.

*M. Raymendus de la Ri-
viere.*

*M. Josephus Lallemand;
Cirurgiæ Gallicæ idio-
mate Professor designa-
tus.*

*M. Claudius Bourdier de
la Moulière.*

*M. Ludovicus - Petrus le
Hoc.*

*M. Petrus Poissomier;
Professor & Censor Re-
gius.*

M. Petrus Arcelin.

*M. Antonius - Ludovicus
Guenault.*

Proponebat Parisiis JOANNES-BAPTISTA BARJOLLE, Salmu-
giensis, Doctor Medicus Mompeliensis, Saluberrimæ Facultatis Medicinæ
Parisiensis Baccalaureus, Theses Auctor, A. R. S. H. 1752,
A SEXTA AD MERIDIEM.